

798—802 originem; aut etiam temporum distributionem, quae quadrifarie<sup>a</sup> currere noscuntur. Quocirca propter perfectam remissionem peccatorum, quam<sup>b</sup> in baptismo accepimus, vel etiam<sup>c</sup> lacrimis confessionis et paenitentiae, psalmi paenitentiales septenario numero consecrantur. Sic etiam et psalmi novissimi in psalterio, in laudem domini Dei aeterni, eadem perfectionis regula septenario numero dedicantur.

Psalmus siquidem centesimus atque octavus decimus, cui ad purgationem animae, inherendo sacris orationibus Deo, nullus aequiperari posse putatur, iuxta alphabetum Hebraicae linguae compositus est<sup>1</sup>, qui secundum numerum litterarum eiusdem linguae viginti duobus periodis constare videtur; quorum quisque octo versus habet, semper secundum ordinem alphabeti a. b.<sup>d</sup> incipientes littera, fortassis propter evangelicas  
 Matth. 5, 3—11. octo beatitudines, in quibus legalium constat esse perfectio praeceptorum: sive propter octavum circumcisionis diem, quae in novo homine expoliationem<sup>e</sup> carnalium designat voluptatum: cuius psalmi versus sunt, si<sup>f</sup> simul aggregati<sup>g</sup> bis LXXXVIII, quasi per decem<sup>h</sup> legalia praecepta ad octo evangelicae perfectionis<sup>i</sup> beatitudines ascensus pate-  
 sceret. Unde mihi modo locus esset idoneus disputandi de mirabili numerorum  
 congruentia cum salutis nostrae mysteriis<sup>k</sup>, si alibi oratio non intenderet.

Similiter vero et de psalmis graduum quindecim pulcherrimus ascensionis ordo designatur<sup>2</sup> usque ad caenaculum, in quo Spiritus sanctus in igneis linguis cum  
 Act. 2, 2. flatu<sup>l</sup> vehementi super nomina virorum centum viginti venerat. Ergo si computare<sup>m</sup> incipies singulos numeros ab uno usque ad quindecim, et omnem summam eorum  
 in unum congregabis cumulum, centum viginti repperies, id est, de ter quinis ter  
 quadragenos nasci<sup>3</sup>, numerum videlicet, in quo Moyses ieiunando legem meruit  
 recipere, vel Helias prophetali spiritu exaltatus est; vel etiam ipse dominus noster  
 Iesus Christus post ieiunium quadraginta dierum temptatorem gloriose<sup>n</sup> vicit malignum.

His omnibus consideratis, quanta sit numerorum excellentia in divinis scripturis,  
 et quam necessarium sit eas legentibus illorum nosse scientiam, perspicue patet: per  
 quos etiam saeculorum ordo decurrit, et nostrae vitae ratio constat. Unde in sancta  
 Sap. 11, 21. scriptura legitur dominum creatorem omnia in numero, pondere, et mensura fecisse. Quocirca fas esse videtur sanctam auctoritatem vestram iuvenes exhortari ingeniosos:  
 in talibus se exerceri studiis; discant ferventi aetatis ingenio, ut habeant maturo  
 annorum tempore quid doceant discipulos suos<sup>4</sup>, quatenus vestra sanctitate diligenter  
 praedicante plurimi erudiantur in lege Domini. Sacerdotis quippe est ex alto culminis  
 fastigio praevidere<sup>o</sup>, quid cui conveniat personae, quibus pascuis nutriet gregem sibi  
 commissum; ne forte quaelibet ex grege ovicula errans pastoris neglegentia lupinis  
 pateat morsibus. Unusquisque equidem<sup>p</sup> doctor rationem acceptae pecuniae redditurus  
 est domino suo, nec parvum sibi quislibet pastor fingat in animo imminere periculum  
 multa milia animarum in rationem animae suscepisse suae: laboret studiose<sup>q</sup> in domo  
 Dei doctor bonus, ut mereatur gloriose<sup>r</sup> coronari in regno Dei. Tempus itaque laboris  
 transiet cito; beatæ vero retributionis numquam finietur. Si enim feliciter vivere  
 quaeramus, illuc animo tendamus, ubi vera est felicitas, ad quam non nisi caritate

<sup>a</sup>) quadrifariae I. <sup>b</sup>) quem I. <sup>c</sup>) in add. C, G, X, I. <sup>d</sup>) ab eadem corr. in a. b. E; ab eadem C, G, X, I. <sup>e</sup>) expoliationem I. <sup>f</sup>) si superscriptum est in E; om. C, G, X, I. <sup>g</sup>) agregati I. <sup>h</sup>) decim C, X, I. <sup>i</sup>) perfectiones I. <sup>k</sup>) misteriis G, I. <sup>l</sup>) flammatu I. <sup>m</sup>) computari C, E, G, X; cumputari I. <sup>n</sup>) gloriosae E. <sup>o</sup>) praedicare G, I. <sup>p</sup>) aequidem I. <sup>q</sup>) studiosae E. <sup>r</sup>) gloriosae E.

1) *Expos. in psalm. CXVIII. (Opp. I, 361)*: Totus hic psalmus est scriptus secundum ordinem  
 litterarum, ita ut ab una littera octo versus incipiant et rursum in sequenti octo alii compleantur et hoc  
 similiter ad finem usque textitur. 2) *Cf. Exposit. in psalm. gradual. (Opp. I, 376)*: Super quem numerum  
 Spiritus sanctus in coenaculo id est loco ascensionis venit etc. 3) *Ib. 389*: Ergo si omnes numeros  
 ab uno usque ad quindecim aggregabis, fiunt centum viginti; *Hieron. ep. 53 ad Paulin. (Opp. I, 275)*:  
 Qui centum viginti ab uno usque ad quindecim paulatim et per incrementa surgentes quindecim graduum  
 numerum efficiunt, qui in psalterio mystice continentur. 4) *Cf. supra p. 132 n. 2; 173 n. 1.*